



თელავის მუნიციპალიტეტის საკრებულო

გ ა ნ კ ა რ გ უ ლ ე ბ ა №04

08 თებერვალი 2018 წ.

ქ. თელავი

თელავის მუნიციპალიტეტის საკუთრებაში არსებული უძრავი ქონების უსასყიდლოდ,
პირობით, სარგებლობის უფლებით გადაცემის შესახებ თანხმობის
მიცემის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 122-ე მუხლის მე-4 პუნქტის, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილების 22-ე მუხლის მე-2 პუნქტის და საქართველოს ზოგადი ადმინისტრაციული კოდექსის 61-ე მუხლის პირველი და მე-3 პუნქტების შესაბამისად,

1. მიეცეს თანხმობა თელავის მუნიციპალიტეტის მერს, რათა მან სარგებლობის უფლებით, პირობით, უსასყიდლო უზურფრუქტის ფორმით, პირდაპირი განკარგვის წესით ს.ს. „ვისოლ პეტროლიუმ ჯორჯია“-ს 2 (ორი) წლის ვადით გადასცეს თელავის მუნიციპალიტეტის საკუთრებაში არსებული, თელავის მუნიციპალიტეტის ტერიტორიაზე მდებარე 22620.34 მეტრი გაზსადენი მილის ქსელი, ღირებულებით 591 217 (ხუთას ოთხმოცდათერთმეტი ათას ორას ჩვიდმეტი) ლარი.
2. ს.ს. „ვისოლ პეტროლიუმ ჯორჯია“ იღებს ვალდებულებას - ხელშეკრულების გაფორმებიდან 2 (ორი) კალენდარული წლის განმავლობაში თელავის მუნიციპალიტეტში განახორციელოს მინიმუმ 50 000 (ორმოცდაათათასი) ლარის ინფრასტრუქტურული სამუშაოები გაზიფიცირების კუთხით, განხორციელებული

სამუშაოების შედეგად შექმნილი ქონება ხდება თელავის მუნიციპალიტეტის საკუთრება.

2. ძალადაკარგულად გამოცხადდეს „თვითმმართველი თემი თელავის მუნიციპალიტეტის საკუთრებაში არსებული უძრავი ქონების უსასყიდლო სარგებლობის უფლებით გადაცემაზე თანხმობის მიცემის შესახებ“ თვითმმართველი თემი თელავის მუნიციპალიტეტის საკრებულოს 2017 წლის 19 ოქტომბრის №72 განკარგულება.
3. განკარგულება ძალაშია გამოქვეყნებისთანავე;
4. განკარგულების გასაჩივრება შესაძლებელია თელავის რაიონულ სასამართლოში, მისი ძალაში შესვლიდან 1 თვის ვადაში (მის: ქალაქი თელავი, დავით აღმაშენებლის გამზირი №41).

საკრებულოს თავმჯდომარე



არჩილი თხლაშიძე